

勸學篇

荀子

積土成山，風雨興焉；積水成淵，蛟龍生焉；積善成德，而神明自得，聖心備焉。故不積跬步，無以致千里；不積小流，無以成江海。騏驥一躍，不能十步；駑馬十駕，功在不捨。鍤而捨之，朽木不折；鍤而不捨，金石可鏤。螻蟻無爪牙之利，筋骨之強，上食埃土，下飲黃泉，用心一也。蟹八跪而二螯，非蛇蟺之穴，無可寄託，用心躁也。是故無冥冥之志者，無昭昭之明；無惛惛之事者，無赫赫之功。行衢道者不至，事兩君者不容，目不能兩視而明，耳不能兩聽而聰。螭蛇無足而飛，梧鼠五技而窮。詩曰：『屍鳩在桑，其子七兮。』淑人君子，其儀一兮。其儀一兮，心如結兮，故君子結于一也。

歲次丙申年正月

蔡榮林



敬書